



Broj: 10/E-11-3519/26
Sarajevo, ~~09-07-2026~~ godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana Rješenjem Općinskog načelnika, broj: 10-45-150/26 od 06.03.2026. godine (u daljem tekstu: Komisija II), u postupku javne nabavke: Nabavka radio komunikacijske opreme za formirane službe zaštite i spašavanja, putem otvorenog postupka (Zapisnik o pregledu i ocjeni ponuda broj: 10/E-11-3519/26 od 02.07.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**MIBO Komunikacije**“ d.o.o. Sarajevo, ulica Tvornička broj 3, 71210 Ilidža - Sarajevo, broj ponude: 26-0100-000711 od 02.07.2026. godine, za nabavku radio komunikacijske opreme za formirane službe zaštite i spašavanja, putem otvorenog postupka, po cijeni od **68.358,00 KM bez PDV-a**, odnosno u ukupnom iznosu od **79.978,86 KM sa PDV-om**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke radio komunikacijske opreme za formirane službe zaštite i spašavanja, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-3519/26 od 12.05.2026. godine.
Predmet nabavke nije podijeljen je na LOT-ove.

Ukupna procijenjena vrijednost javne nabavke iznosi 68.376,00 KM bez PDV-a.

Obavještenje o nabavci: 848-1-1-105-3-151/26 od 11.06.2026. godine, objavljeno je na Portalu javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (02.07.2026. godine do 11:00 sati), na adresu Ugovornog organa primljena je jedna ponuda ponuđača „MIBO Komunikacije“ d.o.o. Sarajevo. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude. Nakon što je utvrđena blagovremenost i urednost dostave, pročitana je cijena ponude, kako slijedi:

R/b	Ponudáč	Ukupna cijena bez PDV-a (KM)	Popust	Ukupno sa popustom bez PDV-a (KM)
1.	„MIBO Komunikacije“ d.o.o. Sarajevo	68.358,00	/	68.358,00

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača, Komisija II je, nakon izvršenog pregleda i analize dokumentacije, jednoglasno utvrdila da ponuđač ispunjava sve formalno-pravne, te tehničke i profesionalne uslove propisane tenderskom dokumentacijom.

Komisija II je izvršila i detaljnu računsku provjeru pristigle ponude u postupku javne nabavke pod nazivom: Nabavka radio komunikacijske opreme za formirane službe zaštite i spašavanja, te je konstatovala da je ponuda računski ispravna i da je ukupna cijena ponude sa PDV-om ispravno obračunata.

S obzirom na to da je predmetna ponuda pripremljena u skladu sa zahtjevima ugovornog organa, Komisija II ju je ocijenila prihvatljivom u smislu člana 2. stav (1) tačka I) alineje 1. Zakona o javnim nabavkama.

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj 848-1-1-105-3-151/26 od 11.06.2026. godine. S obzirom na to da je primljena samo jedna prihvatljiva ponuda, e-aukcija nije zakazana, shodno članu 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23), te je postupak okončan u skladu sa članom 69. Zakona o javnim nabavkama („Službeni glasnik BiH“, br. 39/14, 59/22 i 50/24).

U daljem toku postupka Komisija II je izvršila analizu i ocjenu dostavljene prihvatljive ponude prema kriteriju za dodjelu ugovora „najniža cijena“, shodno članu 64. stav (1) tačka b) Zakona o javnim nabavkama.

R/b	Ponudáč	Ukupno sa popustom bez PDV-a (KM)
1.	„MIBO Komunikacije“ d.o.o. Sarajevo	68.358,00

Nakon izvršenog vrednovanja ponude prema kriteriju za dodjelu ugovora „najniža cijena“, utvrđena je sljedeća rang-lista ponuđača:

Rang	Ponudáč	Ukupno sa popustom bez PDV-a (KM)
1.	„MIBO Komunikacije“ d.o.o. Sarajevo	68.358,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača „**MIBO Komunikacije**“ d.o.o. Sarajevo, ulica Tvornička broj 3, 71210 Ilidža - Sarajevo, broj ponude: 26-0100-000711 od 02.07.2026. godine, putem otvorenog postupka, po cijeni od **68.358,00 KM bez PDV-a**, odnosno u ukupnom iznosu od **79.978,86 KM sa PDV-om**, kao najpovoljnije za nabavku radio komunikacijske opreme za formirane službe zaštite i spašavanja.

Sa izabranim ponuđačem će se zaključiti ugovor, kojim će se regulisati međusobna prava i obaveze ugovornih strana.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24).

Naknada za pokretanje žalbenog postupka iznosi 1.200,00 KM u skladu sa članom 108. stav (1) tačka b) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-3519/26 od 02.07.2026. godine



Dostaviti:

1. Ponuđaču: „MIBO Komunikacije“ d.o.o. Sarajevo, ulica Tvornička broj 3, 71210 Ilidža - Sarajevo
2. Službi za civilnu zaštitu
3. Kabinetu općinskog načelnika – Odsjeku za javne nabavke
4. Službi za finansije
5. U spis